

EH: «Hezkuntza sistema propioa behar dugu»

Irakaskuntzari buruzko txosten estrategikoa aurkeztu du

Arantxa Iraola / Donostia

Unibertsitatez kanpoko irakaskuntzari buruz EHk egin duen txosten estrategikoa aurkeztu zuten atzo alderdi abertzaleko hainbat kidek. Txosten hori eztabaida eta gogoeta eragile izatea nahi dute, eta, horretarako, herrialdeetan mintegiak egingo dira datozen asteetan. Gogoeta horien emaitza bateratua maiatzaren 27an onartu nahi dute, eta ondoren hitzarturikoa hainbat gune politikotara eraman: «Besteak beste, Udalbiltzara».

«PROPOSAMEN honetan ez dugu konponbide magikorik ematen; estrategia bat erakutsi nahi dugu, herri gisa bizirik irauteko nazio eraikuntzari egindako proposamena da», esan zuen atzo txostenari buruz EHko Mahai Nazionalako kide Anjel Mari Elkanok. Alboan irakaskuntzako ardura-dun Juan Mari Elorza eta arloko Bizkaiko arduradun Eli Zubiaga izan zituen. Elkarlanean, txostenaren nondik norako nagusiak azaldu zituen.

Elkanok txosten estrategikoa testuinguru zabal batean sartu behar dela esan zuen. «Irakaskuntzaren alorrean egiten dugun proposamen hau proposamen orokor batean txertatu behar da: alegia, Euskal Demokraziaren proposamenaren hezuramaitu behar da», esan zuen. Azken urteetan Euskal Herrian hezkuntzak garatzeko izan duen esparrua «agortuta» dagoela esan zuen, eta haratagoko jauzia egin behar dela. «Hezkuntza politika berri eta nazionala aldarrikatzen dugu».

Txostenak, batetik, egungo

egoeraren diagnosia egiten du, eta, esan zutenek, argitzalez osaturiko errealitatea islatzen du. Bestetik, euskal eskola nazionala definitzen saiatzen da.

«Beste akordio bat»

Txostenean oinarrituz «beste eskola akordio bat» lortu nahi dela esan zuen Elorzak. Akordio berritzailea izan behar duela esan zuen, orain arteko urratsetatik haratagokoa eta talde politiko zein sozialekin hitzartua. «Guztiek egin nahiko genuke akordio bat, baina hezkuntza sistema propio eta euskalduna eratzeko akordioa izango litzateke», esan zuen, «ez Espainiako Hezkuntza sistema hemen kudeatzeko». Horretarako, irakaskuntza mailan erakunde bat sortu beharko litzatekeela esan zuen Elorzak. «Kontseilu Nazionala deitu dugu guk, eta bilduko litzuke akordioko agente guztiak».

Aurrena EHko oinarri sozialek txosten horren edukia eztabaidatu eta adostea



EGUNKARIA

Ikasle talde bat, ordenagailuekin lanean.

nahi dute, ordea. «Gure asmoa da, eskola munduan era batean edo bestean inplikaturik dauden kideak eta bestalde herri eta auzoetan irakasuntza mailan lanean ari direnak eztabaida honen inguruan biltzea», esan zuten. Horretarako, lau mintegi egingo dira. Bizkaikoa otsailaren 26an Otxarkoagan izango da, Nafarroakoa martxoaren 4an Zizurren, eta Arabakoa eta Bizkaikoa martxoaren 11an egingo dira Gasteizen eta Tolosan. Bilera horien ostean ekarpenak eta emendakinak zabalteko epea zabalduko dute eta maiatzaren 27an Irakaskuntza arloko Batzar Nazionala egin nahi dute, adosturiko idatzia onartu eta plazaratzeko.

Horren ostean, adosturiko idatzia Euskal Herriko «gune nazionaletan» aurkezten hasi nahi dutela esan zuten. Besteak beste, Udalbiltzan aurkezteko asmoa azaldu zuten.

NUPeko gobernu organoen «jarrera antidemokratikoa» salatu dute

■ Hainbat gazte taldek mobilizazioak egingo dituzte bihar unibertsitatean

Alberto Barandiaran / Iruñea

NAFARROAKO Unibertsitate Publikoan (NUP) gaur egungo gobernu organoek duten «jarrera antidemokratiko eta autoritarioa» salatu zuten atzo hainbat gazte taldek, eta apustua egin zuten unibertsitate «demokratiko, euskaldun eta asoziatibo» baten alde. Amnistien aldeko taldeak, Duina, Hautsi, IA, Jarrai,

Dispersioaren amaieraren aldeko plataforma, Euskaldunon Asanblada, Euskara Taldea, LAB eta ELA taldeek sinatutako agirian, erabakiak hartzeko gaitasuna ukatu izan dietela agertu dute, «ordezkaritza txikia utziz, eta ikasleonek aldarrikapenei muzin eginez». «Politika antidemokratikoaren areagotzea» sumatzen dutela eta zenbait adibide paratu zituzten ikas-

leek, nabarmenduz biltzeko eskubideak murriztu dizkietela, hitzaldiak debekatu, erakundeen dinamikak eta pertsonak kontrolatu... «Honengatik unibertsitate demokratikoa aldarrikatzen dugu, ikasleoi erabakitzeke benetazko gaitasuna emango diguna eta ikasleonek eskakizunekiko irekia izango dena». Biharko mobilizazioak iragarri dituzte taldeok.

Artea Denboran zehar BILBO 2000 Otsailak 19/27



FERIA INTERNACIONAL DE BILBAO **BILBOKO NAZIOARTEKO ERAKUSTAZOKA**

Aptia. 498 48080 BILBAO Tel: 94 428 54 00 Fax: 94 442 42 22 www.feriaind.bilbao.es